



Inatsisartunut ilaasortaq
Anders Olsen

Apeqquut nr. 212/2025 pillugu § 37 naapertorlugu apeqquummut akissut

Allakkat ulluat: 22-122025
Suliaq nr. 2025 - 25916

Apeqquummut kinguliani allassimasumut akissut matumuuna nassiunneqarpoq.

Akissuteqarnermut atatillugu Akileraartarnermut Aqutsisoqarfimmit paasissutissanik piniartoqarpoq.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

**1. Innuttaasut meeqqanut akilersuutitut (A-bidrag) kommuninut akiitsui
2015-ip naanerani aningaasanngorlugit qanoq annertutigippat?**

Akissut:

Naatsorsueqqissaartarfik naapertorlugu 2015-ip naanerani (2015, ukiup affaata aappaani) innuttaasut meeqqanut akilersuutitut akiitsui 338,5 mio. kr.-upput.

**2. Innuttaasut meeqqanut akilersuutitut (A-bidrag) kommuuninut akiitsui
2020-ip naanerani aningaasanngorlugit qanoq annertutigippat?**

Akissut:

Naatsorsueqqissaartarfik naapertorlugu 2020-p naanerani (2020, ukiup affaata aappaani) innuttaasut meeqqanut akilersuutitut akiitsui 400,7 mio. kr.-upput.

**3. Ukiuni kingullerni tallimani meeqqanut akilersuutitut
pisoqalisoornermi killiliussaq pissutaalluni akilerneqanngitsoortut
annaaneqartullu qanoq annertutigippat?**

Akissut:

Aningaasat akilerneqanngitsoortut 2021-mit ulloq 11/12-2025 ilanngullugu ima annertussuseqarput:
151.039.392 kr.

Aningaasat isumakkeerutigineqartut 2021-mit ulloq 11/12-2025 ilanngullugu ima annertussuseqarput:
32.378.403

Apeqqutitut 1 aamma 2-mut akissutitut atatillugu kisitsisit paasineqarnissaanni periutsit assigiinngitsunik marluk periuserineqarmata eqqaamassallugu pingaaruteqarpoq.

Apeqquut 1 aamma 2-mi naatsorsuutit inaarsarnerinit naatsorsuutit ("uninngasuutit") takutinneqarput, tassa piffissami aalajangersimasumi qanoq annertutigineri.

Apeqquut 3-mi aningaasanut isertinneqartunut naatsorsuutit takutinneqarput, tassa piffissami aalajangersimasumi isertinneqartut. Matumani nassuiaatitai ulluulu naatsorsuutit inaarsarnerinit naatsorsuutini takutinneqartunit allaanerusinnaapput.

Tamatuma saniatigut inuit suliffeqarfiillu akiitsullit akiitsunik nutaanik akilersuulinnginnerminni maanna akiitsorisaminnik (akiitsutoqqaminnik) aatsaat

akileeqqaartarnerat nalinginnaavoq. Tamatumani akiitsut pisoqalisoorinissaannut killiliussaq eqqarsaatigalugu.

4. Apeqput 164/2025-mut akissutigisassinni, nunatta karsiata ajornakusoortumik isiginiarneqartariaqarneratuulli, kommuunit ilaasa aningaasatigut ajornartorsiorneri aamma isiginiarneqartariaqarnerannik Naalakkersuisut isumaqanngillat?

Akissut:

164/2025-mi apeqput 3-mut tunngatillugu Naalakkersuisut oqaatigaat:

"Meeqqanut akilersuutitut akiitsut kommunit aningaasaqarnerannut sunniteqarsinnaanerit Naalakkersuisut eqqummaariffigaat"

Akilersuisussaataasumit aningaasat akilersinniarnerni kommunit eqqartuussivik aqputigalugu tunngaviatigut akiliisitsiniartarput. Taamaattumik kommunit aningaasaqarnerannut sunniteqarsinnaanera akilersuisussaataasut akiliisinnaassusiat apeqputaasorujussuuvog.

164/2025-mut akissuteqaammi aamma oqaatigineqartutut meeqqanut akilersuutitut akiitsut uninngaannartutut nalilerneqarput, aammalu meeqqanut akilersuutit akinut nalimmassaaneq eqqarsaatigalugu, akiligassatigut kinguaattoorutit nalilerneqaraluarpata immaqa annikitsuinnarmik annikillisimasutut nalilerneqarlutik.

Oqartussat sorliit meeqqanut akilersuutitut akilerneqanngitsunut siullertut akiliisussaanerit eqqarsaatigiinnarnagu, meeqqat inuusuttullu toqqissisimanerusumik peroriartornissaat uagut inuiaqatigiittut qanoq pitsaanerpaamik qulakkeerinnissinnaanerluta aallutissallutigu naleqqunnerpaasoq, Naalakkersuisut tamatuma saniatigut isumaqarput.

Naluneqanngitsutut aqqissuussaannermit ataatsimiititaliortoqarpoq, ilaatigut Namminersorlutik Oqartussat kommunillu akornanni suliaasat agguataarneqarnerannik misissuinnermik suliaqartussamik. Meeqqanut akilersuutit qanoq iliuuseqarfigineqarnissaannik apeqput ataatsimiititaliap suliaanut ilaajumaartoq naatsorsuutigineqartariaqarpoq.

Inussiarnersumik inuulluaqqusillunga



Múte B. Egede